


EVCLIDES.



PARISIIS.

*Apud Thomam Richardum, sub Bibliis
aureis, è regione Collegij Remensis.*

1549.

18116

NOBILISSIMO PRINCIPI

*Carolo Lotharingo Rhemorum Archiepiscopo Petrus Ramus
Veromanduis S.*



OMNE Sartes, Præsul amplissime, quæ cognitionem honestam, & liberalem scientiam continent, allucere ad se percipiendum animos nostros debent: sed mathematicæ imprimis disciplinæ, in quibus si vel immensam materiam, vel summum constructionis artificium consideres: sic operis elegantia cum materiæ vastitate certare videbitur, ut cum ingens rerum moles admirabilis tibi visa sit: te tamen compositionis splendor multo vehementius oblectet ac retineat attentius. Etenim quid est in omni natura tam varium, tamque multiplex, quam numerorum varietas, atque multitudo? Quid tam magnum, atque amplum, vel oculis cerni, vel animo cogitari potest, quam terrarum, aquarum, aeris, cœlorum, mundi que vniuersi magnitudo, atque amplitudo? Atqui hæc materies tã varia, tam multiplex, tam magna, tam ampla mathematicæ scientiæ propria est. Quam tamen incredibilis rerum ordo, dispositio que omni laude longe superat, ac vincit. Hic enim prima mediis, media postremis, omniãque inter se, velut aurea quadam Homeri catena sic vincta, colligataque sunt: ut nil aptius, nil compactius, nil firmitus esse possit, positus principis, tanquam solidis fundamentis consequentium

demonstrationes affirmantur: ab his deinceps perspicuè & euidenter conclusis, complexiones aliæ connectuntur, totaque disciplinæ descriptio ita sibi coniuncta copulataque est: vt si vnâ literam moueris, labatur omnia: nec tamen quicquam est, quod moueri labiue possit. Quamobrem minime mirandum est Pythagoram, Platonemque huius admiratione disciplinæ captos, maius in ea diuinusque quiddamprehendisse: quàm vt humanis sensibus tribuendum arbitrarentur. Itaque in anima tam excellētes notitias ab intelligētiae primæ ingentis & æternis exemplis insitas, & ingeneratas crediderunt: eique propterea nomen ipsum *πλάτωνος* quasi reminiscentiæ, recordationisque (vt *Πλάτωνος* author est) affinxerunt: quasi tanta scientia non ab homine inuēta, sed diuinitus in animis nostris impressa, recordatione animaduersarum rerū paulatim recrearetur. Verum enim uero quàm longa obliuio, quàm tarda recordatio ista fuit? Primitiili homines (vt Iosephus antiquitatis Iudaicæ scriptor ait) Adamus, Sethus, Enus, Noeus vitæ & longissimæ & contemplationi deditissimæ beneficio, in hanc recordationem incubuerunt: & ne alia nouæ obliuionis caligine circumfusa teneretur, duabus ingētibus colūnis exaratam, descriptamque ad posteritatem transmiserunt. Hinc Aegyptii, Græci, Itali, Siculi, Arabes, Hispani, Germani, Galli, omniumque terrarum populi acceptam excoluerunt, atque amplificauerunt. Hinc tot, tamque excellētia ingenia excitari, Thaletis, Pythagoræ, Hippocratis, Platonis, Eudoxi, Ptolemei, Euclidis, Archimedis, aliorumque innumerabilium cœperunt:

videlicet ad huius mathematicæ recordationis o-
pus exædificandum, tot fabros, tot architectos ad-
hiberi oportuit, quia non modo non homo vnus,
aut ætas vna: sed vix multa & hominum, & æta-
tum milia ad constituendam tam nobilis, tamque
præstantis doctrinæ scientiam sufficerent. Quam-
obrem vt publica studia, ad hæc cognitionem am-
plexandam, non solum industria, quod assidue fa-
cimus, sed etiam facultate librorum, & copia iuu-
remus: curauimus excudendas mathesas antiquo-
rum ab Euclide collectas, semotis interpretum &
commentis, & figuris: non quòd interpretes im-
probemus: sed vt neminem sumptus (qui in hos li-
bros antea maior erat, quàm tenues discètiùm for-
tunæ ferre possent) impostetum à discendo deter-
reat. Si quid autem obscurum fuerit, lögè commo-
dius viua præceptoris intelligentis oratio, quàm
picta in libris interpretū manus explicabit: quòd-
que ad figuras attinet, magis laudabo discipulum
in abaco & puluere figuras sibi demonstratas imi-
tantem, quàm ociose & inutiliter alienas picturas
aspectantem. Quæ ad te merito scribere nobis vi-
demur, in quo non solum disciplinas & virtutes
excellentes admiramur: sed etiam singularem amo-
rem in honesta disciplinarum & virtutum promo-
uendarum studia cognoscimus: Vale.

5. Cal. Febr. 1544.

Euclidis elementa

3

MATHEMATICA.

Diffinitio. I.



IGNVM, est cuius pars nulla.

2

Linea verò, longitudo illatabilis.

3

Lineæ autem limites, sunt signa.

4

Recta linea, est quæ ex æquali, sua interiacet signa.

5

Superficies, est quæ longitudinem latitudinemque tantum habet.

6

Superficiæ extrema, sunt lineæ.

7

Plana superficies, est quæ ex æquali suas interiacet lineas.

8

Planus angulus, est duarum linearum in plano sese tangentium, & non in directo iacentium, ad alterutram inclinatio.

9

Quando autem quæ angulum continent, rectæ lineæ fuerint, rectilineus angulus nuncupatur.

EVCLIDIS

10

Cum verò recta linea super rectam consistens lineam, utrobique angulos æquales adinuicem fecerit, rectus est uterq; equalium angulorum: & quæ superstat, recta linea, perpendicularis vocatur, super quam steterit.

11

Obtusus angulus, maior est recto.

12

Acutus verò, minor est recto.

13

Terminus, est quod cuiusque finis est.

14

Figura, sub aliquo, vel aliquibus terminis comprehenditur.

15

Circulus, est figura plana vna linea contenta quæ circumferentia appellatur, ad quam ab vno signo introrsum medio existente omnes prodeuntes lineæ, in ipsiusque circuli circumferentiam incidentes, adinuicem sunt æquales.

16

Centrum verò, ipsius circuli signū appellatur.

17

Dimetiēs circuli, est recta quedā linea per centrum acta, & ex utraq; parte in circuli circumferentiā terminata, quæ circulum bifariā dissecit.

18

Semicirculus, est figura quæ sub dimetiente, & ex quæ ex ipsa circuli circumferentia sublata est, continetur.

19

Sectio circuli, est figura quæ sub recta linea, & circuli circumferentia aut maiore aut minore semicirculo continetur.

20

Rectilineæ figuræ, sunt quæ sub rectis lineis continentur.

21

Trilateræ figuræ, sunt quæ sub tribus rectis continentur lineis.

22

Quadrilateræ figuræ, sunt quæ sub quatuor comprehenduntur rectis lineis.

23

Multilateræ figuræ, sunt quæ sub pluribus, quàm quatuor, rectis lineis comprehenduntur.

24

Trilaterarum porrò figurarum, æquilaterum est triangulum sub tribus æqualibus lateribus contentum.

25

Isoceles autem, est quod sub binis tantum æqualibus lateribus continetur.

EVCLIDIS

26

Scalenum verò, est quod sub tribus inequalibus lateribus continetur.

27

Amplius trilaterarum figurarum, rectangulum triangulum, est quod rectum angulum habet.

28

Amblygonium autem, quod obtusum angulum habet.

29

Oxygoniū verò, quod tres habet acutos angulos

30

Quadrilaterarū autem figurarū, quadratum quidem, est quod & equilaterū ac rectangulū est.

31

Altera parte longius, est quod rectangulum quidem, ac equilaterum non est.

32

Rhombus, est quæ equilatera, sed rectangula non est.

33

Rhomboides verò, est quæ ex opposito latera & angulos habens æquales, neque equilatera, neque rectangula est.

34

Præter hæc autem, reliqua quadrilatera, trapezia appellantur.

35

Parallelae, rectae lineae sunt quae in eodem existentes plano, & ex utraque parte in infinitum productae, in nulla parte concurrunt.

Postulata I.

Ab omni signo in omne signum, rectam lineam ducere.

2

Rectam lineam terminatam, in continuum rectumque producere.

3

Omni centro & intervallo, circulum describere.

4

Omnes angulos rectos, adinvicem aequales esse.

5

Si in duas rectas lineas recta linea incidens, interiores & in eadem parte angulos duobus rectis minores fecerit, rectis lineis in infinitum productis concurrere necesse est ad eas partes in quibus anguli duobus rectis minores existunt.

Communes sententiae I.

Quae eidem aequalia, & adinvicem sunt aequalia.

2

Etsi aequalibus aequalia adijciantur, omnia erunt aequalia.

3

Etsi ab aequalibus aequalia auferantur, quae re-

EVCLIDIS

linquuntur, equalia erunt.

4

Etsi inæqualibus equalia adiungantur, omnia erunt inæqualia.

5

Etsi ab inæqualibus equalia auferantur, reliqua inæqualia erunt.

6

Quæ eiusdem duplicia sunt, adinuicem sunt equalia.

7

Et quæ eiusdem sunt dimidium, equalia sunt adinuicem.

8

Et quæ sibi metipsis conveniunt, equalia sunt adinuicem.

9

Totum, est sua parte maius.

10

Duæ rectæ lineæ, superficiem non concludunt.

Propositio I.

Super data recta linea terminata, triangulum æquilaterum constituere.

2

Ad datum signum, data recta linea æquam rectam lineam ponere.

3

Duabus datis rectis lineis inaequalibus, à maiori minori æqualem rectam lineam abscindere.

4

Si duo triangula duo latera duobus lateribus æqualia habuerint, alterum alteri, & angulum angulo æqualem sub æqualibus rectis lineis contentum, & basin basi æqualem habebūt, & triangulum triangulo æquum erit, ac reliqui anguli reliquis angulis æquales erunt, alter alteri, sub quibus æqualia latera subtenduntur.

5

Isoſcelium triangulorum qui ad basin sunt anguli, adinuicem sunt æquales. Et productis æqualibus rectis lineis, qui sub basi sunt anguli, adinuicem æquales erunt.

6

Si trianguli duo anguli æquales adinuicem fuerint, æquales quoque angulos subtendentia latera æqualia adinuicem erunt.

7

Super eadem recta linea duabus eisdem rectis lineis, aliæ duæ rectæ lineæ æquales, altera alteri non constituentur, ad aliud atque aliud signum, ad easdem partes, eosdem fines primis rectis lineis possidentes.

8

Si bina triangula duo latera duobus lateribus

EVCLIDIS

alterum alteri equalia habuerint, & basin quoque basi equalem, angulum quoque angulo sub equalibus rectis lineis contentū equalem habebunt.

9

Datum angulum rectilineum, bifariam secare.

10

Datam rectā lineam terminatā, bifariā secare.

11

Data recta linea, à signo in ea dato, rectam lineam ad angulos rectos excitare.

12

Super datam rectam lineam infinitam, à dato signo quod in ea non est, perpendicularem rectam lineam deducere.

13

Cum recta linea super rectam consistens lineam, angulos fecerit, aut duos rectos, aut duobus rectis aequales efficiet.

14

Si ad aliquam rectam lineam, atque ad eius signum duæ rectæ lineæ, non ad easdem partes ductæ, utrobique duobus rectis angulos aequales fecerit, ipse in directū rectæ lineæ adinvicem erūt.

15

Si duæ rectæ lineæ se adinvicem secuerint, angulos qui circa verticem sunt, æquos adinvicem efficiant.

16

Omnis trianguli vno latere producto, exterior
angulus vtrisque interioribus & ex opposito,
maior est.

17

Omnis trianguli duo anguli duobus rectis sunt
minores, omnifariam sumpti.

18

Omnis trianguli maius latus, sub maiori an-
gulo subtenditur.

19

Omnis trianguli maior angulus, sub maiori la-
tere subtenditur.

20

Omnis triāguli duo quaelibet latera simul iun-
cta, reliquo sunt longiora.

21

Si trianguli à limitibus vnus lateris binæ re-
ctæ lineæ introrsum constituātur, quæ cōstituuntur,
reliquis triāguli binis lateribus minores qui-
dem erunt, maioremque angulum continebunt.

22

Ex tribus rectis lineis, quæ sunt tribus datis re-
ctis lineis æquales, triangulum cōstruere. Oportet
autem duo latera reliquo esse maiora, quomodo-
cunq; assumpta: quoniā omnis triāguli bina late-
ra quomodocunq; assumpta, reliquo sunt maiora.

EVCLIDIS

23

Ad datam rectam lineam, ad datumque in ea signum, dato angulo rectilineo equalem angulum rectilineum constituere.

24

Si bina triangula, duo latera duobus lateribus equalia habuerint, alterum alteri, angulum verò angulo maiorem sub equis rectis lineis contentum, basin quoque basi maiorem habebunt.

25

Si duo triangula, duo latera duobus lateribus alterum alteri equalia habuerint, basin verò basi maiorem, angulum quoque sub equalibus rectis lineis contentum, angulo maiorem habebunt.

26

Si bina triangula, duos angulos duobus angulis, alterum alteri equalis habuerint, unumque latus uni lateri equalis, aut quod equis adiacet angulis, aut quod sub vno equalium angulorum subtenditur: reliqua quoque latera reliquis lateribus equalia, alterum alteri, & reliquum angulum reliquo angulo equalem habebunt.

27

Si in binas rectas lineas recta incidens linea, alternatim angulos equos adinvicem fecerit, parallelae adinvicem ipsae rectae lineae erunt.

28

Si in binas rectas lineas recta incidens linea, exteriorum angulum interiori & opposito ad easdem partes equalem fecerit, aut interiores & ad easdem partes duobus rectis aequales, parallelæ erunt adinuicem ipsæ rectæ lineæ.

29

In parallelas rectas lineas recta incidens linea, & alternatim angulos adinuicem aequales, & exteriorum interiori & opposito, & ad easdem partes equalem, & interiores, & ad easdem partes duobus rectis aequales efficit.

30

Quæ eidem rectæ lineæ paralleli, & adinuicem sunt paralleli.

31

Per datum signum, datæ rectæ lineæ parallelum rectam lineam ducere.

32

Omnis trianguli vno latere producto, exterior angulus binis interioribus & opposito est æqualis. Et trianguli tres interiores anguli, binis sunt rectis æquales.

33

Æquas & parallelas ad easdem partes, rectæ lineæ coniungentes, & ipsæ æquales & parallelæ sunt.

34

EVCLIDIS

Parallelogrammorum locorum latera quæ ex opposito, & anguli, æqualia sunt adinuicem, & dimetiens ea bifuriam secat.

35

Parallelogramma in eadem basi, & in eisdem parallelis existentia, adinuicem sunt æqualia.

36

Parallelogramma in æqualibus basibus, & in eisdem parallelis existentia, adinuicem sunt æqualia.

37

Triangula in eadem basi, & in eisdem parallelis constituta, adinuicem sunt æqualia.

38

Triangula in æqualibus basibus, & in eisdem parallelis constituta, adinuicem sunt æqualia.

39

Triangula æqualia in eadem basi cõstituta, & ad easdem partes, & in eisdem sunt parallelis.

40

Triangula æqualia in æqualibus basibus existentia, & ad easdem partes, & in eisdem sunt parallelis.

41

Si parallelogrammum & triangulum eandem basin habuerint, in eisdemque fuerint parallelis, trianguli parallelogrammum duplum erit.

42

Dato triangulo equale parallelogrammum cōstituire, in dato angulo rectilineo.

43

Omnis parallelogrammi eorum quæ circa diametientem sunt parallelogrammorum supplementa, sibi inuicem sunt equalia.

44

Ad datam rectam lineam, dato triangulo equale parallelogrammum construere in dato angulo rectilineo.

45

Dato parallelogrammo, equale parallelogrammum constituere in dato angulo rectilineo.

46

Ex data recta linea quadratum describere.

47

In rectangulis triangulis quadratum quod à latere rectum angulum subtendente fit, æquum est quadratis quæ fiunt ex lateribus rectum angulū continentibus.

48

Si trianguli quod ab vno laterum quadratum equale fuerit eis quæ reliquis trianguli lateribus, quadratis: angulus cōprehensus sub reliquis trianguli duobus lateribus, rectus erit.

EVCLIDIS
E V C L I D I S
Liber secundus.

Parallelogrammum rectangulum.

*Omne parallelogrammum rectangulum, sub
duabus rectum angulum comprehendentibus re-
ctis lineis dicitur contineri.*

Quid gnomon.

*Omnis parallelogrammi loci eorum, quæ circa
dimetientem illius sunt parallelogrammorum,
vnumquodque cum binis supplementis gnomon
vocetur.*

Propositio I.

*Si fuerint binæ rectæ lineæ, seceturque ipsarū
altera in quocunque segmento, rectangulum cō-
prehensum sub duabus rectis lineis, æquum est eis
quæ ab infecta & quolibet segmento rectangulis
comprehenduntur.*

2

*Si recta linea secetur vtcunque, quæ sub tota
& quolibet segmentorum rectangula compre-
henduntur, equalia sunt ei, quod ex tota est, qua-
drato.*

3

Si recta linea secetur vtcunque, rectangulum

sub tota & vno segmentorum comprehensum, equum est ei quod sub segmentis comprehenditur rectangulo, & ei quod ex prædicto segmento fit quadrato.

4

Si recta linea secetur vtcunque, quadratum quod fit ex tota, equum est quadratis quæ fiunt ex segmentis, & ei quod bis sub segmentis comprehenditur rectangulo.

5

Si recta linea secetur in equalia & non equalia, rectangulum comprehensum sub in equalibus sectionibus totius vnâ cum quadrato quod à medio sectionum, equum est ei quod à dimidia fit quadrato.

6

Si recta linea bifariam secetur, adiciaturq; ei aliqua recta linea in rectum, rectangulum comprehensum sub tota cum apposita & apposita, vnâ cum quadrato quod fit à dimidia, equum est ei quod fit ex coniecta ex dimidia & apposita tanquam ex vna descripto quadrato.

7

Si recta linea secetur vtcunque, quod à tota & ab vno segmentorum vtraque fiunt quadrata, equalia sunt rectangulo comprehenso bis sub tota & dicto segmento, & ei quod à reliquo

segmento fit quadrato.

8

Si recta linea secetur vtcunque, rectangulum comprehensum quater sub tota & vno segmentorum cum eo quod ex reliquo segmento est quadrato, æquum est ei quod fit ex tota & prædicto segmento tanquam ab vna descripto quadrato.

9

Si recta linea secetur in equalia & nõ equalia, quæ ab inequalibus totius segmentis sũt quadrata, dupla sunt eius quod à dimidia, & eius quod à medio sectionum fit, quadratorum.

10

Si recta linea secetur bifariam, apponatur autem ei quæpiam recta linea in rectum, quod ex tota cum apposita, & quod ex apposita vtraq; quadrata, dupla sunt eius quod ex dimidia, & eius quod ex adiacente dimidia & adiuncta, tanquam ex vna descriptorum quadratorum.

11

Datam rectam lineam secare, vt quod ex tota & altero segmento comprehensum rectangulum, æquum sit ei quod fit ex reliquo segmento quadrato.

12

In obtusi angulis triangulis, quod ad obtusum

angulum subtendere latere fit quadratum, maius est eis quæ fiunt ab obtusum angulum comprehendentibus lateribus quadratis: comprehenso bis sub vno eorum, qui sunt circa obtusum angulum, in quod protractum cadit perpendicularis, & assumpto extrinsecus sub perpendiculari ad obtusum angulum.

13

In oxygoniis triangulis, quod ex acutum angulum subtendente fit quadratum, minus est eis quæ ex acutum angulum comprehendentibus lateribus fiunt quadratis, comprehenso bis sub vno eorum quæ sunt circa acutum angulum in quod perpendicularis cadit, & sumpto intus sub perpendiculari ad acutum angulum.

14

Dato rectilineo, æquum quadratum constituere.

E V C L I D I S

Liber tertius.

Diffinitio I.

Æquales circuli sunt, quorum dimetientes sunt æquales, vel quorum quæ ex centris sunt æquales.

EVCLIDIS

2

Recta linea circulum tangere dicitur, quæ circulum tangens & eiecta, circulum non secat.

3

Circuli sese tangere adinuicem dicuntur, qui sese inuicem tangentes, se non inuicem secant.

4

In circulo æqualiter distare à centro rectæ lineæ dicuntur, cum à centro in eas perpendicularares ductæ, sunt æquales. Magis autem distare dicitur, in quam maior perpendiculararis cadit.

5

Sectionis circuli, est figura comprehensa sub recta linea, & circuli circumferentia.

6

Sectionis angulus, est qui sub recta linea, & circuli circumferentia comprehenditur.

7

In sectione autem angulus est, cum in circumferentia sectionis cõtingit aliquod signum, & ab eo in recta lineæ fines, quæ basis est sectionis, rectæ lineæ coniunguntur. Contentus autem angulus sub coniunctis rectis lineis est.

8

Cum verò comprehendentes angulum rectæ lineæ, aliquam suscipiunt circumferentiam, in illa angulus esse dicitur.

9

Sector autem circuli, est cum ad centrum circuli steterit angulus, comprehensa figura sub angulum comprehendentibus rectis lineis, & assumpta sub eis circumferentia.

10

Similes sectiones circuli, sunt quæ angulos æquos suscipiunt, vel in quibus anguli sibi inuicem sunt æquales.

Propositio I.

Dati circuli, centrum inuenire.

2

Si in circuli circumferentia duo fuerint signa utcumque contingentia, ad ea signa applicata recta linea intra ipsum circulum cadit.

3

Si in circulo recta linea quedam per centrum extensa, quandam non per centrum extensam rectam lineam bifariam secuerit, & ad angulos rectos ipsam dissecet: etsi ad angulos rectos ipsam dissecet, bifariam quoque ipsam secabit.

4

Si in circulo binæ rectæ lineæ sese inuicem secuerint, non per centrum extensa, sese inuicem bifariam non secabunt.

EVCLIDIS

5

Si bini circuli sese inuicem secuerint, non erit eorum idem centrum.

6

Si duo circuli se adinuicem tetigerint, eorum non est idem centrum.

7

Si in diametro circuli aliquod contingat signum quod minimè circuli centrum sit, ab eoque signo in circulum quadam rectæ lineæ procedat, maxima erit in qua centrum: minima verò, reliqua: aliarum verò semper propinquior ei quæ per centrum extenditur, remotiore maior est. Dux autem solùm rectæ lineæ æquales, ab eodem signo in circulum cadunt ad utrasque partes minima.

8

Si extra circulum suscipiatur aliquod signum, ab eoque signo ad circulum deducantur rectæ lineæ aliquæ, quarum quidem vna per centrū extendatur, reliquæ verò vtcunque: in connexam circumferentiam cadentium rectarum linearum maxima est quæ per centrum ducta est. Aliarum autem, semper ei quæ per centrum transit propinquior, remotiore maior est. In curuam verò circumferentiam cadentium rectarum linearum minima est, quæ inter signum & dimeticen-

tem iacet: minima verò propinquior, semper remotiore minor est. Duæ autè tantùm rectæ lineæ, ab eo signo cadunt æquales in ipsum circulum, ad utrasquè partes minima.

9

Si in circulo suscipiatur signum aliquod, & ab eo signo ad circulum cadant plures, quàm duæ rectæ lineæ æquales: susceptum signum, centrum ipsius est circuli.

10

Circulus circulum in pluribus duobus signis non secatur.

11

Si bini orbes se introrsum adinuicem tetigerint, suscipianturquè eorum centra; ad eorum centra applicata recta linea & eiecta, in contactu circulorum cadit.

12

Si duo circuli sese adinuicem exterius tetigerint, ad centra eorum applicata recta linea, per contactum transtet.

13

Circulus circulum non tangit in pluribus signis vno, etsi extra, etsi intus tangat.

14

In circulo rectæ lineæ sunt æquales, quæ æqualiter distant à centro. Etsi æqualiter distant